

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ԵՐԵՎԱՆ ՔԱՂԱՔԻ ԱՎԱԳԱՆԻ

«-----» 2024թ.

N \_\_\_\_ Ն

Ո Ր Ո Շ ՈՒ Մ

ԵՐԵՎԱՆ ՔԱՂԱՔԻ ԱՎԱԳԱՆՈՒ 2009 ԹՎԱԿԱՆԻ ՀՈՒՆԻՍԻ 18-Ի N 1-Ն ՈՐՈՇՄԱՆ ՄԵՋ ԼՐԱՅՈՒՄ ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 33-րդ և 34-րդ հոդվածներով՝

**Երևանի ավագանին որոշում է.**

1. Երևանի ավագանու 2009 թվականի հունիսի 18-ի «Երևան քաղաքի կանոնակարգը ընդունելու մասին» N 1-Ն որոշման հավելվածի 77-րդ կետից հետո լրացնել 77.1-րդ կետը՝ հետևյալ բովանդակությամբ.

«77.1. Ավագանու նիստի սկզբին և նիստի ավարտին յուրաքանչյուր Խմբակցությունից մեկական ներկայացուցիչ ունի մինչև 3 րոպե ելույթի իրավունք:»

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

«Ազգային առաջընթաց»  
խմբակցության անդամ

Արամ Թորոսյան

## ՏԵՂԵԿԱՆՔ - ՀԻՄՆԱՎՈՐՈՒՄ

«ԵՐԵՎԱՆ ՔԱՂԱՔԻ ԱՎԱԳԱՆՈՒ 2009 ԹՎԱԿԱՆԻ ՀՈՒՆԻՍԻ 18-Ի N 1-Ն  
ՈՐՈՇՄԱՆ ՄԵՋ ԼՐԱՑՈՒՄ ԿԱՏԱՐԵԼՈՒ ՄԱՍԻՆ»  
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ  
ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

**Ընթացիկ իրավիճակը, իրավական ակտի ընդունման անհրաժեշտությունը, առկա խնդիրների առաջարկվող լուծումները.**

«Երևան քաղաքում տեղական ինքնակառավարման մասին» օրենքի 12-րդ հոդվածի 1-ին մասի 1-ին կետով նշվում է, որ Երևան քաղաքի ավագանին ընդունում է իր կանոնակարգը: Համաձայն վերոհիշյալ օրենքի 29-րդ հոդվածի 8-րդ մասի՝ ավագանու նիստերի գումարման, նիստերում հարցերի քննարկման կարգը սահմանվում է ավագանու կանոնակարգով:

Երևանի ավագանու 2009 թվականի հունիսի 18-ի «Երևան քաղաքի կանոնակարգը ընդունելու մասին» N 1-Ն որոշման հավելվածի 71-րդ կետը սահմանում է ավագանու նիստում հարցերի քննարկման ընթացակարգային դրույթներ: Ի թիվս այլ դրույթների նախատեսված է նաև ավագանու նիստի ընթացքում քննարկվող նախագծի վերաբերյալ մտքերի փոխանակության հնարավորություն, որի ընթացքում յուրաքանչյուր ելույթի համար տրվում է մինչև 5 րոպե ժամանակ: Սակայն տվյալ դեպքում ավագանու անդամի կարծիքի արտահայտումը սահմանափակված է քննարկվող նախագծի շրջանակներում:

Սույն լրացումն ուղված է ավագանու նիստի սկզբին և ավարտին խմբակցության անդամների ելույթներ ունենալուն և կարծիքներ արտահայտելուն: Այն հնարավորություն կընձեռնի նիստն անցնակցնել կառուցողական և փոխըմբռնման մթնոլորտում, ինչպես նաև նիստի ավարտին կատարելու հետևություններ և ներկայացնելու առաջարկություններ՝ հետագայում նիստերն առավել արդյունավետ կազմակերպելու համար:

Հաշվի առնելով վերոգրյալը՝ նախագծով նախատեսվում է սահմանել, յուրաքանչյուր խմբակցությունից մեկական ներկայացուցչի՝ նիստի ընթացքում մինչև 3 րոպե ելույթի իրավունք ունենալը:

«Երևան քաղաքի ավագանու 2009 թվականի հունիսի 18-ի N 1-Ն որոշման մեջ լրացում կատարելու մասին» Երևան քաղաքի ավագանու որոշման նախագծի ընդունումը Երևան քաղաքի բյուջեի եկամուտների և ծախսերի ավելացում կամ նվազեցում չի առաջացնում:

«Ազգային առաջընթաց»  
խմբակցության անդամ



Արամ Թորոսյան

Ա Մ Փ Ո Փ Ա Թ Ե Ր Թ

«ԵՐԵՎԱՆԻ ՔԱՂԱՔԻ ԱՎԱԳԱՆՈՒ 2009 ԹՎԱԿԱՆԻ ՀՈՒՆԻՍԻ 18-Ի N1-Ն ՈՐՈՇՄԱՆ ՄԵՋ ԼՐԱՑՈՒՄ ԿԱՏԱՐԵԼՈՒ ՄԱՍԻՆ»  
 ԵՐԵՎԱՆԻ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ

Հ/Հ	Առաջարկության, ատարիության հերինակը	Ատարիության, առաջարկության բովանդակությունը	Կատարված փոփոխությունները
1.	<p>ՀՀ արդարադատության նախարարություն N 01/27.1/16082-2024 «23» ապրիլի 2024թ.</p>	<p>1. Նախագծի վերնագրից անհրաժեշտ է հանել «ՀՀ ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՈՒՄԸ» բառերը:</p> <p>2. Նախագծի 1-ի կետում «հավելվածը լրացնել հետևյալ կետով:» բառերն անհրաժեշտ է փոխարինել «հավելվածի 77-րդ կետից հետո լրացնել 77.1-րդ կետը՝ հետևյալ բովանդակությամբ:» բառերով:</p>	<p>1. Ընդունվել է: Նախագծում կատարվել է համապատասխան փոփոխություն:</p>
		<p>3. Անհրաժեշտ է հաշվի առնել, որ նախագծի հետ ներկայացված հիմնավորումը չի պարունակում առաջարկվող կարգավորմանը վերաբերող լրափոք տեղեկատվություն, ինչը հնարավորություն չի տալիս գնահատելու նախագծով ներկայացված լրացումը: Հետևապես, նախագծի հիմնավորումն անհրաժեշտ է լրամշակել և նախատեսել համապատասխան պարզաբանում՝</p>	<p>3. Ընդունվել է: Տեղեկաք-հիմնավորումը լրամշակվել է:</p>

	համաձայն «Նորմատիվ հրակական ակտերի մասին» Հայաստանի Հանրապետության օրենքի 6-րդ հոդվածի պահանջներին:	
--	-----------------------------------------------------------------------------------------------------	--

«Ազգային առաջընթաց»  
խմբակցության անդամ



Արամ Թորոսյան